

谋略智略图文版

○ 原典
主 编 曹 冈
清 石天基

警 醒 明 通 镇 宅 至 宝

传家宝 醒世钟

中华大方略全书



高 忍 隱 福 修 性 養 癡 放 裏 乖 著 饒 中 勝
ZHONGHUA DAFANGLUO QUANSHU

虽然游戏三昧亦为度世金针
堪比警世木铎实乃舟楫利人
顺取富贵福泽逆得祸贱天贫

中华大方略全书

传家宝



醒世钟



内蒙古人民出版社

中华大方略全书·谋略智略图文版

作 者	曹冈 等
出版发行	内蒙古人民出版社（呼和浩特市新城区新华大街祥泰大厦）
邮 编	010010
经 销	各地新华书店
印 刷	北京海德印务有限公司
开 本	880×1230 1/32
字 数	2280 千
印 张	252
版 次	2005 年 5 月第 1 版 2005 年 5 月第 1 次印刷
书 号	ISBN 7-204-07919-1/I·1689
定 价	384.00 元（全 12 册）

如发现印装质量问题,请与我社联系。联系电话:(0471)4971562 4971659

图书在版编目 (CIP) 数据

中华大方略全书. 1 / 曹冈主编. - 呼和浩特: 内蒙古人民出版社, 2005.5

ISBN 7-204-07919-1

I. 中... II. 曹... III. 中国-历史-普及读物

IV. K209

中国版本图书馆 CIP 数据核字 (2005) 第 045895 号



目 录

吉征	(1)
功券	(8)
群珠	(28)
绅瑜	(46)
联瑾	(72)
命铨	(84)
心律	(100)
常歌	(105)
俗谚	(128)
文字窍	(139)
真福谱	(155)
真福谱二集	(160)
真福谱三集	(172)
高赏集	(184)
今觉楼	(189)
惺斋十乐	(193)
铁菱角	(195)
双鸾配	(200)
四命冤	(207)
为官切戒	(213)



酣乐吟	(215)
清夜钟	(218)
青阳祖师醒世语	(222)
惺斋集	(224)
禅宗直指	(228)
读书法	(241)
读书药	(246)
举业蓓蕾	(249)
真福吟	(254)
新刻志明野狐放屁诗	(260)
天基狂言	(268)
酒中趣	(278)
如意珠新喜酒令	(304)
奇娱集	(319)
奇娱二集	(328)





吉征

周坦翁，乃前辈长者，著有观宅吉祥相四十条，诚为训世至言。予细读之，选其切要者一十七条，删其可缓者二十三条，另以愚意续补大半，每条自加笺注，名曰吉征。持此以观人之居室行止。凡于事条符合者，其家必然兴旺，自有富贵福寿之应；或于事条违背者，其家必然衰败，自有贫贱祸夭之应。眼前境遇，虽或相左，未久即应，盖预兆已现于前也。以此观人，可无遗遁矣。世人将予此书诸条，须各当警勉，定趋于吉，慎毋悖也。

天基石成金撰写

每日天明即早起 清晨，桌地帚扫洁净。亲友一到，仆从已拱立候命，主人已盥沐相迎，而又有热茶奉敬，此即有许多光辉。有等人家，日出多高，尚在梦乡；客至多时，寂无人应。以日作夜，以夜作日，衰败可待矣。

每日天晚即早睡 冬寒夜长，可以迟睡勤业外，其余三时，天一昏黑，俱宜早睡。要知早睡有六益：家长早睡，则子弟家人俱早睡，可免奸盗酗酒赌博之害，一也；房中厨下，可免火灾，二也；早睡，则夜半正值睡醒，可防盗贼之偷窃，三也；早睡，则次日早起，勤理本业，不致沉昏失晓，四也；省许多油烛之费，五也；不黑昏，则厨下锅碗器物不致跌损，六也。迟睡反此六损矣。

子弟家人，俱各有事，不令闲懒 小人闲居为不善。各授其事，无论大小，须令辛勤治办，不独自食其力，且无闲工及于嫖赌



坏事矣。

烈女不识字、不看书 贞烈好书并不喜看，淫词小说，背人看得心醉神飞。所以宁可令人称其无才，不可令人称其无德。

容易不演戏 优人最势利，少有简慢，则生讥诮。且近日演忠孝节义者少。如有大喜庆事方用，余俱可省。

家中无棋骰纸牌筹具，即见他人有者，亦不入手。近日马吊盛行，士大夫俨然为之而不耻。即令此中有千变万化，但想手持者何物，岂不愧极？总因不肯习静，又不读书，所以为之。赌博大害，切戒！至于围棋、象棋、牙牌、双陆，往往废时失事，亦须切戒。

外无姣童 家无俊仆姣童，不惟省自己防闲，且免他人疑议。

内无老婢 禁锢老婢，二十岁以外尚不为之择配，大伤阴德。

奴仆下人见客至，低声缓答，小心婉容 门前仆从，见士人过，无论识与不识，皆起身直立。遇诸途，皆侧立让行。如至其家，问话皆低声缓答。此虽细事，主人之忠厚不忠厚，奴仆之生事不生事，俱因此而可知也。

座上有二十年前老友，门下有祖父遗留老仆 如此方称得个世家。

架上无齐整书 本本精良，手且未触，于目何有？但观架上，便知腹中。

仆从不与主人同坐或并坐 即贫友疏亲，亦与主人同列，何至与奴仆为伍？此风倡自篋片。主人得意时，承奉奴仆，惟恐少失其意。殆失势之后，饮恨报复。败家受祸，往往由此。

仆从各随其姓 即自幼仆子，亦令各姓其姓，不昧人宗祖，即后亦不乱吾支派，防微杜渐，前人都有深意。





不学苏意 轻嘴薄舌，不离帮闲。吃茶烧香，总属狡狴。

口中无刻薄尖酸议论 一言而伤天地之和，一言而折终身之福，可畏哉！

前辈格言，常在壁上口头 圣贤好言，存之于心，则能体而行之矣。目中口头，已有二三分受用处。

肯为人婉转寄家信 不浮沉已属盛德，更能婉转以期必达，更为阴鹭。以此类推，凡事肯为人方便可知。

十二岁以上小童不入内户，十二岁以上女童不出内户 近来小孩最是尖峭，不可因其小而忽之。

不夜饮 不夜饮，则奴仆无奸盗诈伪矣。且次日又能早起，辛勤治事。即或宴客，下午早请，定更而散。

肯为人说眼前报应，肯听人说报应事 眼前报应，显明易见。莫说阎王过阴事，反增不信。

不以病试医 不告医者得病之由，令其暗中摸索，取死之道也。

肯将应验好药方或抄或刻，送与人救治病患 施方固胜施药，或能制药数种，常送人治病，更妙。

肯周济贫亲友，或助人婚嫁，或代完官赎，不做佛事 此是实德事，佛亦大喜。

内人安静，无咒骂高声 内声不闻于外，便是好人家。若或牝鸡司晨，妇女干政者，大不祥也。

躬送破衣亲友出门外 破衣亲友在坐者，间有躬送门外，则以为耻矣。要知待失意人，不难有恩，而难有礼，此语须当体验。此等事最伤人心，亦令人容易看破你势利心肠。

受人贺分，即一扇一丝，无微不答 富贵人受贫贱人礼物以为当然，此大折福之事，亦大敛怨之事也。须知其从典卖而来。

不戏谑父执贫友 既知其为父执，又轻之为贫人，且又戏之、谑之，不如己友者，孝子慈孙断不如是。

日用戥秤斗尺，出入一样 圣人置此，原所以平人之心。若出入两样，不独欺人，而且欺天矣，断难久长。

案头无淫书 作淫词小说之人，俱有非常恶报，历历不爽。案头如有片纸只字，尽当焚却。坏心术，丧行止，皆此等书引诱。人



家儿女，岂无识字者？略回想，岂不可惧？

有读书纺织声 入其门，闻诵读书声，可知其子之贤；闻纺织声，可知其内之贤。若酒肉之气胜，便不是好人家。然而全在家长之贤能，才可致此。

成人田房产业，价值平色都公道 人当卖产，必穷困莫支，万不得已而弃故业。置产之家，即授之值，亦且展手无存。岂为富不仁者，窥其窘迫，阳拒而阴勾之，以重折其价，自为得计。殊不知天道好还，彼苍已默夺之矣。

不宜金银珠宝装饰小儿 富贵家有爱其小儿者，饰以金宝。小人于僻静处，坏其性命，取其宝物。虽闻于官，置于法，何益？

不讥诮人 人能不笑人穷，不鄙人俭，便为长者。要知世界每多缺陷，如贫贱、残疾、聋瞽、痴呆之类，不可悉数，是皆前生积作所致。若以尖利之言，纵口讥诮，不独大伤我之长厚，且又是敛怨取祸之道。笑人者常不如人，焉知异日自己又不被人讥诮耶？

不谈人家闺闾事 男女私情，最是暗昧。今言之凿凿，如曾目睹。鬼神在旁，何不说得略活动些？犯此者，每见极恶果报，非止自己妻女被人谈论而已。可不畏哉。

做事先愁后悔 为一切事，都要慎之于始，思前想后，自然无悔矣。

不到兑换铺内换色银用 有纹银即用纹银。若应用一两者，不妨纹折九钱、八钱，何苦将纹银反换迷假色银，展转归与穷人？亏折惨楚，告诉无门，便宜少而损德多矣。

厚待汗力贫苦人 田野小民，斗粟尺布，入市营求，一家饥寒所望。我却要在他身上去讨便宜，能有几何？于心安乎？其肩挑步担，贩卖菜物，小本贫民、脚夫、轿夫、汗力苦人，更须价公而纹银戡准，积德不小。

不任意纵谈 言未出口，先要存想此言可说得说得不得。若信口纵谈，则惹是非，起灾祸，总由于此。可不戒哉！

不生非分之想 能安本分，免许多忧愁之苦，享许多快乐之福。

见一切人，惟有谦虚 高傲自大者，人皆憎恶，乃量小福薄之人也。



受人些小侵侮，不轻易计较 仕宦居家被人侵侮，固亦常有是事，然毕竟是我好处。若令人望影远避，无敢拾田中一穗者，目今虽足快意，未久有后之侵侮更大矣。

敬惜字纸 人之聪明，知识、功名、富贵都赖此字而得。若不存心敬惜，乃是忘本无福之人，岂有好报耶？所以凡见字纸，虽在泥污之中，亦必拾聚焚之。

珍重五谷 米谷是生命之源，试想两餐不食，则饥不可忍。金珠虽贵，亦不及此。一粟一粒，俱从汗力辛苦中得来。少有轻贱，是自种趋贫之根矣。

闲即手不释卷 有好书，闲即展看，如与圣贤对话，才学日进，道理日精，所谓开卷有益也。虽有他乐，吾不易此。

一切举动用度俱从俭朴，不学富贵人家行事 凡衣食房屋、婚丧饗宴诸事，俱要量入而出，惟从省俭朴实。切不可恐人鄙笑，遂而奢费窘迫也。

立一善行，必坚不可移 善志不坚，未久更变，转令德行中阻，真为可惜。

妇女不出外游山玩水、入寺烧香、看灯看会 妇女谨守内室，勤办家务，才是内助之贤淑。如好闲游戏耍，决非好妇女也。

子弟家人循循然时存敬畏，都知尊卑长幼之仪 子弟家人，诸事不自专行，早晚出入，都禀命家主，时存敬畏，乃日渐发旺之象。有等人家子弟，目无尊长，行止放肆，不听教诲，坏事乱为，灾祸可待矣。

子弟交往之人，都是端方德行君子 前人云：与善人居，如入芝兰之室，久而不闻其香，即与之化矣；与不善人居，如入鲍鱼之肆，久而不闻其臭，亦与之化矣。所谓近朱者赤，近墨者黑，近贤者明，近良者德，近愚者暗，近偷者贼，不可不慎也。是以父兄督教子弟，惟在遴选所与之人。须广延端方德行君子，共其往来游处，心志言行，日习好矣。子弟宁可终岁不读书，不可一日近小人。凡下流匪类，一概禁绝，则种种坏事，无自而入矣。

诸事能容忍 有涵养，即有厚福。一毫之拂，即勃然而怒，乃不能容也；一事之违，即愤然而发，乃不能忍也。此是无涵养之力，薄



福之人，必至于败德而债事矣。

心内极其精明，外面极其浑厚 精明，则我不受人之欺；浑厚，则人不怨我之刻。所以人之黑白，只宜在心，不宜在口，乃涉世妙法。

居不深邃 人家屋宇若太广深阔，则阴气盛而人气不能充，所以其势不得坚久，且居者多不利。此昔人有木妖之说，谓其不安也。

三姑六婆不入门 尼姑、道姑、媒婆，一切外来妇女，或以换卖金珠、衣物为由，或以针炙推拿、鬼神过阴、布施祈祷为名，俱不可令其穿房入室，脱骗内人财物米粮，更有勾引诸般丑事。昔人比为三刑六害，极当禁戒。

门户厅堂，修理整齐，担扫洁净 居室不整，尘灰满案，虽有高堂大厦，亦是衰败之兆。务要修理整齐，担扫洁净，乃发福兴旺之家也。

不借人利债 除官粮私债饥寒至紧之外，其余费用，俱不可轻易借债。要知时光迅速，瞬息一月，倏忽半年，我之每日辛勤，谋来利息，尽是代他人为持。日渐贫穷，都由于此。切勿以借得来，或以人肯借与我，即为欣喜得意也。

不借债与人 亲友不贫寒者，不来借贷。及至借去，后来去讨，誓必维艰，结怨招尤，莫过于此。或者喜庆婚丧急事，可量力少助。既不怨尤，彼又甚喜也。

保守祖父遗留田房产业器物 要知祖父当日置此，不知费几许心血，不知历几许辛勤。虽寸土尺木，亦不可轻弃。

隐恶扬善 隐人之恶，扬人之善，不独自己留存厚道，亦是免祸消愆之妙法。

不面忤人 惹怨招尤，莫过于此。即不可为之事，亦当婉辞。

不延妓女至家 看其模样行止，坏少年子女许多操守，最为大害。

早完官粮 县官钱粮，自有定期。须要将家务日用，每年计算若干，预留此项，先期完纳，免许多催扰旁费，省许多比较代累，享许多自在快活。谚云：“要得宽，先完官”，真格言也。

时时防火，夜夜防贼 火盗最为大害，时刻须要提防，切莫大意误事。




父子兄弟一心一意 父子竭力山成玉，兄弟同心土变金。

若无大受欺凌之事，轻易不告状结讼 好讼必贫。凡事须要宽容忍让，听人和解，此保家第一法也。他人如有争讼者，亦须竭力劝息。

若非官粮私债饥寒至急之事，轻易不当 当物之价多者才质少。但岁月如梭，转眼之际，本利尽为典铺算去。更有平色之加增，查取之守候，是以好当之家，未有不日渐贫败者。予友史搢臣开典，遇人来典当，却用戒词刻印小纸包银与之。予略改数字，附载于此，切须谨戒！词曰：“应急之中虽典当，也须筹度商量。算来紧事两三桩，买柴和买米，私债并官粮。此外消磨都可惜，莫因捷便轻典当。临时本利更何偿？不如裁冗费节省是良方。”

多积柴米 积薪须另室谨闭，否则火害不小。米粮柴草，必须多积，宁可有余，不可欠缺。要知家中人口，诸事可以减省，腹饥何能久待？倘遇有事耽误，或风雨拦阻，势难接应，岂不露丑？

每晚照管门户，关闭紧实 每晚亲自照看门户，不可尽托奴婢下人。





功券

劝人广积功德，以召福报，多辞无钱，何能积德？殊不知功德全在于一点利人之良心，果能存心积德，则随时随处皆有功德可积也。熊勉庵先生著有《功德》一书，借指不费钱者甚多。予添续若干，并载官长乡绅二约，著为《功券》一卷。自今而后，不论富贵贫贱、智愚贤不肖诸人，而皆积德也，岂专在费钱而已？试看书内种种功德，岂独利益于人？且更大有利益于己。真可为消灾免劫、积福积寿、积子孙、积科第，若持左券而不爽矣。

天基石成金撰写

消灾免劫积福积寿积子孙积科第券

请想于某年间，自流寇发难之后，海内之横罹刀兵，离拆父母，散失妻子者，十之七八。其中得以安居乐业、父母聚首、妻子团聚者，不思省愆修善，答谢天谴，倘或劫运复临，收疆补漏何及？今特指出一条消灾免劫、积福积寿、积子孙、积科第捷径好路，只要大家时时勉强力行，粘之座壁，置之案头，触目惊心，自可由勉获安，刀兵永遏。如不费钱功德，诿之曰“难”，则前此之修心了道，延纪昌后者，不知凡几。何以人可能而我独不可能？如费钱功德，诿之曰“我命该富贵荣华也，彼命该流离困苦也”，不知我之命何以独该富贵荣华，则从前世之行善中来无疑矣；彼之命何以独该流离



困苦，则从前世之不肯行善而造恶业中来无疑矣。况刀兵、水火、盗贼、疾病、刑狱以及促寿、败儿、绝嗣等事，不能禁后来不临到我身上，并不能禁今晚明朝不临到我身上。吁！思及于此，甚可畏哉！仁人君子，何不及早回头，行我不费钱功德，以消灾免劫、积德积寿、积子孙、积科第，若持左券也。

官长不费钱功德

有利必兴 有害必除 案无留牍 庭无滞件 严处盗贼 重惩赌博 严禁掠卖 轸恤狱囚 保全善类 矜原错误 不轻标判签票 不滥差人 诬告必坐 则刁棍不得破人家产。 唆讼必惩 则讼端息而人得安生。 不轻拘妇女 不轻用重刑 不妄逞已见 不徇情屈法 不知情故枉 不执法太苛 不断离婚姻 不拆散骨肉 不轻易送监铺 不轻徇公举 不轻拿窝家 不轻听左右 水旱早报灾伤 饥荒设法赈济 钱粮抚字催科 疑事务期得情 难事细心求理 平心审理冤抑 力挽奢侈 禁宰耕牛 农事必需爱物仁民 不轻累邻佑乡保 遇好事多 方作成 遇坏人刑教并用 不枉法坏人功名 不逞忿伤人性命 老幼病废不轻责 人方伤心不轻责 盛寒炎暑不轻责 随行远路不轻责 已拶夹者不再责 先责过者不再责 严禁衙役伤害百姓 不纵假案诬诉良民 获盗即亲审不致扳累无辜。 不作威威则下情不达。 不动怒怒则受者难当。 不偏护原告 不以有害地方事逢迎上司 不作惊骇耳目事沽买名誉 事不可行者，虽奉严檄，必极力挽回。 情有可原者，虽系成案，必加意矜恤。 宽一分则民受一分之福，省一事则民少一事之扰。

严戡捕役牢囚飞诈良善。 斗殴人命或故、或误，为首、为从，俱细分定罪。 严惩势宦豪强讼师扛证，不令播恶。 能摘发奸蠹神棍置之于法，不使骗诈愚民。 能海诱顽民平其忿心，令息争息讼。 责人须明告其罪，令其知改。要受者愧服，见者警戒。 词状内但有妇女非关紧要者，即与抹去。 耐烦听诉，



令原被告各尽吐其情。有力、稍力、无力，听其自认，不以賧援谩上官。不嗔越诉，只平平照常理断。一时错枉，片念拨转，不吝改过。事到面前，据理直断，及到别衙，随他转辩。供招出入，自为简点，不使吏胥上下其手。考较公明，不沮抑孤寒。开报生员优劣，采访的确，令人知所劝惩。

无力犯人，当时的决。纳赎徒犯，亦准召保，不擅监禁。牢瘟传染，吩咐狱官狱卒，扫除积秽，多焚苍术，多贮凉水。

武官不费钱功德

师行有纪 不屠城邑 不掳掠女子 不杀良冒功 不杀已降 不毁烧房舍 不贿纵渠魁 不克减军粮 不因贼邀利 不损人坟墓田禾 恤士卒饥寒疾苦 禁兵丁骚扰乡民

乡绅不费钱功德

倡率义举 正己化俗 不说昧心人情 不包揽公家事 不侵占人田园 不强买人产业 不搀搭低色银 不借端害人 不谋夺人风水 不逼勒人价值 不轻听仆从言 不逼苦雇工佃户 不蓄羊豕残食禾苗 不许仆从生事 不强賒取货物 有利益于此地方之事，极力向公祖父母开陈。

民间有真正大冤抑；不避嫌疑，极力公行表白。

幕友不费钱功德

不欺东君 不倚官势 不想昧心钱 不作亏心事 盛寒炎暑谏省刑 细心理词卷 地方有利弊之事，力劝东君兴除。民情冤抑，赞成东家剖雪。东家盛怒，阻其出堂理事。



大众不费钱功德

敬畏天地三光 尊奉神明 竭力孝顺父母 友爱兄弟
矜恤鳏寡孤独 敬老怜幼 克勤克俭 戡秤升斗划一公平
曲成方便 尊重师友 和睦邻里亲族 完妇女节操 解人
忧愁恼怒 奖掖后学 延人后嗣 指人津路 喜扬人善事
勿播人恶 传写各方疗人病 敬惜字纸 息人争讼 雪人
冤抑 不作诳语 不负寄托 引过归己推善与人 不使势要
不炫才智 不忘人恩 不念人过 不暴殄天物 不妄起淫心
不搬唆是非 不恃强凌弱 不妒富欺贫 不诟人阴私 不
毁人成功 不污人名节 赞成人婚姻喜事 受享知愧 劝
化人莫嫖赌 见当救者即救 凡可宽者必宽 不包藏祸心
随处生欢喜 绝交不出恶声 不言人祖父卑微 劝导人家庭
和好 劝止人骨肉乖离 不窥人私书寄柬 借人之物如己物
谋人之事如己事 排难解纷 扶引瞽目 风雷寒暑劝戒房事
遇大风劝人勿渡江 不谈人闺阁事 戒食牛犬 体恤奴婢
劳苦 长说因果劝化人 救一切虫蚁生命 快马往来，指人
趋避。若婴儿瞽目在侧，急携闪开。 劝人莫置粗重物于箱囊，
恐人错认财帛招患。 劝人严戒婴儿观灯看会，以免挤踏拐骗
之害。 乘车坐轿，应怜人力，巡高险处，尤宜步行。 船脚
车夫，各有家口养活，勿赶程过分，令其致病。 沉艘桥基，宜
插标水面，令人知避。 铜炉底易燃席褥，戒人小心。 沟涧
暗有深坑，宜指引粘贴，以晓行路之人。

士人不费钱功德

尊重圣贤书籍 尽心起发生徒 不出入衙门
不书写词状 有关系事不轻言 不编造歌谣淫词
不昧心党护亲昵 不将圣贤言语作笑谈 不起人混名绰号